

15. oktober 2020

**Naalackersuisut 2021-mi Asiap Kangiani sinniisoqarfimmik pilersitsinissaq pillugu Inatsisartut aaliangiiffigisassaattut siunnersuut.**

(Nunanut Allanut Nukissiuteqarnermullu Naalackersuisoq)

Siumumiik nuannaarutigaarput maanna Naalackersuisut aalajagiiffigisassamik siunnersuuteqarnerat, tassalu nunarput Kina-mi illoqarfiit pingaarnersaanni beijingimi sinniisoqarfeqalernissaq siunertaralugu. Tamannalu Siumumiit imatut oqaaseqafigissavarput.

Siorna nunanut allanut nalunaarut pillugu maani inimi nuannersumik uummaarissumik eqqartuingaatsiarpuq, Qallunaat Nunanut allanut ministeria Jeppe Kofoed-ip najuuffigisaanik.

Siumiillu siunnerfippit ersarissumik apuussimavarput, tassalu nunatta kangiani Kina-mi aallartitaqarfeqalernissaq Naalackersuisut pilersissallugu sulissutigissagaat. Tassami nunatta aalisakkanik aammalu qalerualinnik allanillu avammut niuernerani nunarsuarmi inuttunerpaamut maanna 1,4 mia. missaani inoqartumut attaveqaatini annertusartariaqarmagit, taamaasiornikkut aningaasarsiornikkut sulii annerusumik maani innuttaasut iluaqutiginerusinnaasaanik aqutissiuussinissaq nunattalu iluaqutigisinnaasaanik suliaqarnissaq angorusukkatsigu.

Kisitsisit qimerluualaaraanni nunatta nunarsuup kangianut (Asien-mut) 2,3 mia. missaanik nalillit niuerutigisarpai. Ukiuni kingullerni Kinamut niueruteqarnek annertuiartuinnavilluni. Taamaattumik Siumumiik aningasarsiornitta anertusartuarnissaa, tassa aningaasarsiornikkut lagkage-p sulii annerulernissaa siunertarigatsigu, Naalackersuisut aallartiaqarlerfissamik pilersitsinissamut siunnersuutaat tamakkiisumik tapersersortarput.

Siumumiilli kissaatigissavarput Kina-mi aallartitaqarfimmik pilersitsinermi, inuusuttunik ilinniartoqarnissaaannik Naalackersuisut aamma naammassinnissasut. Tassami nunatta aallartitaqarfiisa sutigut tamatigut nukittorsarneqartuarnissaat aammalu ilinniartoqartarnermikkut nunatsinni innuttaasut inuusuttullu piginnaangorsarneqartarnissaat, periarfissarsiuunneqarnissaat kissaatigigatsigu.

Nunarput nunanit allanit soqutigineqartorujussuuvoq, aalisakkanik niuernerq eqqarsaatigalugu. Tamannalu atorluagassaraarput. Nunattami nunarsuarmioqatitsinniit annerusumik ilisimaaneqalerneratigut ersarissumillu sinniisoqarfeqalernikkut aamma takornariaqarnek inuusutissarsiutillu allat eqqarsaatigalugit iluaqutigilluarsinnaagatsigu.

Siumumiit taamak oqaaseqarluta, Kina-mi Beijingimi 2021-imiit nunatta sinniisoqarfeqalernissaanik naalakkersuisut siunnersuutaat akuersaarparput.

Siunnersuullu taamak isikkoqartillugu akuersissutigineqarnissaa innersuussutigalutigu.

Erik Jensen - Siumut